

書名 續增駁案新編三十二卷
 撰者 清 闕名 輯
 卷 卷二十四
 內容分類 史·政書·法令·刑案
 索書號 大木·法類·例案·21
 編號 B3852100

卷二十四



[彩色首頁1](#)
[彩色首頁2](#)

[東洋文化研究所漢籍目錄 編號: B3852100](#)

[東洋文化研究所漢籍目錄所藏漢籍善本全文影像資料庫 索書號: 大木·法類·例案·21](#)

[漢籍善本全文影像資料庫文本續增駁案新編三十二卷](#)

版權所有: 東京大學 東洋文化研究所

使用上の注意事項

山西司
 起為議奏事刑部議得晉撫農 奏馬邑縣叅
 軍典史李德混違例擅授武生李清秀控告王
 玉佔地呈詞該縣洪星煥不卽揭叅審斷並將
 王珏之弟王現杖責致斃一案據該撫農 疏
 云 查律載囑託公事已施行者杖一百當
 官吏聽從與同罪又律載官司決人於臂腿
 去處依法決打邂逅致死者勿論各等語
 職典史李德混與武生李清秀認識輒卽
 知縣不揭叅典

李清秀

河南司

一起為報明事三法司會議得河撫穆 題永城
縣陳張氏與王傑通姦被拐致伊父張起羞忿
自縊身死一案據河南巡撫穆 疏稱緣張氏
嫁與陳雪為妻其父張起相依度日乾隆五十
四年三月間陳雪出外傭工張起與王傑合夥
宰猪生理王傑旋與張氏姦好張起等均不知
情十一月間王傑與張氏說笑不避張起窺破
姦情隨將王傑趁走不容上門王傑戀姦情熱

陳張氏

起意拐逃知素好之張三亦與張起時相往來張氏並不避忌卽央其與張氏約會張三允從五十五年三月間張三前往張起家適張起與陳雪均各外出亦與張氏調戲成姦並將王傑欲會同逃之言向告張氏依允約定二十八日夜在後門等候至期王傑領同張氏逃走詎張起追捕未獲羞忿莫釋于三十日自縊殞命報驗緝獲王傑等訊詳飭審茲據審擬招解研訊俱各供認前情不諱查陳張氏與王傑通姦伊

父張起並未縱容後因張氏被拐羞忿投繯寔屬因姦所致陳張氏除通姦被誘輕罪不議外依例擬絞監候王傑等擬以軍徒等因具題前來據此應如該撫所題陳張氏合依婦女與人通姦父母並未縱容因而羞忿自盡者將姦婦擬絞監候例擬絞監候秋後處決該撫旣稱王傑合依和誘知情爲首發遣例應改發極邊四千里充當若差配所杖一百折責安置照例刺烟瘴改發字樣張三與張起同姓不宗除與

張氏通姦輕罪不議外合依和誘知情爲從例杖一百徒三年逃籍定地充徒至配所折責四十板王傑等逃後訊無行兇爲匪及知情容留之人陳雪不知伊妻犯姦情事均毋庸議屍棺飭屬領埋陳張氏姦生之女責付王傑家屬收養等語均應如該撫所題完結等因乾隆五十六年三月十七日奉

旨陳張氏與王傑通姦致伊父張起羞忿自盡該撫因係已嫁之女問擬絞候刑部亦照擬核覆固

屬照例辦理但張起之死由于伊女陳張氏與人通姦所致與子孫因姦因盜致祖父母父母憂忿自盡者情罪相同自應一律問擬絞決夫服制已嫁未嫁分輕重尙可若一關父母之生死則不可如尋常罪犯照出嫁降服之例稍從輕減也且明刑所以弼教父母天倫不得因已未出嫁遂有區別設使已嫁之女致死父母豈可免其凌遲概從寬典耶嗣後婦女與人通姦致父母羞忿自盡者無論已嫁在室之女俱着

問擬絞立決交刑部纂入例冊所有陳張氏一犯卽着照此辦理餘依議

福建司

一起爲因姦謀命事福建水師提督哈 等謹奏爲戀姦謀命審明從重定擬恭摺具 奏事據

嘉義縣詳報民人盧孫在鄭林氏店內幫工與該氏通姦被鄭林氏義子鄭鼎元撞破鄭鼎元將盧孫攆逐盧孫告知鄭林氏將鄭鼎元殺害經驗明屍傷拏獲盧孫鄭林氏到案訊認不諱等情隨飭提去後茲據臺灣府楊紹裘審擬詳解前來臣等提犯覆鞫緣鄭林氏之夫鄭三自

娶鄭林氏以後病故卽抱養幼孩鄭鼎元爲義子鄭鼎元現年二十三歲娶妻陳氏鄭三在日開張米店生理上年五月間鄭鼎元送妻陳氏歸寧盧孫與鄭林氏調戲成姦六月初間陳氏患病臥床鄭鼎元往外延醫盧孫又進林氏房內續舊鄭鼎元回家撞見將盧孫攆出盧孫因與林氏通姦情熱起意將鄭鼎元殺死七月初二日盧孫探知鄭鼎元外出潛至鄭林氏店內詭稱買米林氏出看盧孫告以情難割捨欲殺

鄭鼎元以便往來林氏回稱任憑殺害我不計較盧孫隨決意將鄭鼎元殺死二十二日盧孫探聽鄭鼎元往北營庄買米該犯卽帶尖刀從小路繞赴茹冬埔曠野處所潛伏草內等候中午時分鄭鼎元走至盧孫乘其不備用刀向戳鄭鼎元用左手奪刀割傷手心盧孫用刀連戳左胸腓右胎膊左手背三處鄭鼎元倒地盧孫戳其肚腹鄭鼎元在地翻滚盧孫又戳其後肋并左右膝等處適鄭贊機路經該處上前喝阻

盧孫帶刀跑逃鄭贊機向鄭鼎元問明被盧孫
殺傷擡回醫治至晚殞命赴縣報驗于九月二
十日緝獲盧孫究明前情並拏獲鄭林氏訊供
不諱臣等提犯覆鞫無異再三嚴詰委係盧孫
起意鄭林氏未經阻止加以刑訊矢口不移似
無遁飾查律載謀殺人造意者斬監候從而不
加功者杖一百流三千里又律載義父母若謀
殺義子隨同凡人論各等語此案盧孫戀姦謀
命將鄭鼎元叠砍致斃實屬淫克盧孫合依謀



殺人造意者斬律應擬斬監候從重立決以示
嚴懲鄭林氏係鄭鼎元義母自幼抱養為之娶
妻且于夫故之後與鄭鼎元相為依倚雖係義
子無異親生乃聞姦夫欲圖殺害以便往來之
言並不嚴厲拒阻以杜邪念而弭殺機輒以任
憑殺害不與計較回覆是鄭鼎元死于盧孫之
手實由鄭林氏戀淫不顧任聽其子被害所致
不但恩義已絕應同凡論卽僅依從而不加功
律問擬杖流收贖轉使喪節忍心之婦回家安

逸殊無以警淫慝應請將鄭林氏杖罪的決仍
永遠監禁使之長囚囹圄以昭懲誡為此恭摺
具

奏奉

旨軍機大臣會同行在法司核擬速奏欽此

卷之二十五

毆祖父母父母

親母因姦謀死親子寔遣為奴駁改絞候至
絕嗣者入秋審情寔

邱湯氏

